


崇禎七年

七三



國權

鹽官談逸孺木著

甲戌崇禎七年

正朔子朔天下官來朝

庚寅山西總兵張全昌渡河擊賊靈寶縣斬二百十七級

辛卯南京廣西道御史張壽祺奏右庶子丁進主考南場

賄中鄭光昌等如程中葆關節圖書契約見獲乞下進法

司母令倖脫

德世子由樞奏汝上縣租地係佃戶收解前卿官刑部郎

中河南知府高默奏為民累汶上知縣朱汝楫等黨助蒙
旨叅究問官不即見直

予故

劉憲龍祭葬

湖廣下荆南道副使徐景麟守鄖陽總兵左良玉兵至守
者謂流寇也砲傷三人事聞逮景麟
官軍擊於賀蘭山後斬二百餘級

壬辰降盜王剛王之臣通天柱等至太原挾賞巡撫戴君
恩宴於明日斬綱等各營共擒斬四百二十九人王之臣
即豹五通天柱即孝義土賊也賊黨供稱馬守應老狗

已死既而偵之仍在東山而西山則有翻山鷓姬閔穎掌
世王三賊尋生得獻俘而岢嵐大盜高加計號顯道神尤
橫會大旱災饑民日投賊

楊應瑞為南京右軍都督府提督大教場陳兆簡為南京
軍都督府僉書兼提督小教場

睦自強以原官總兵官鎮守山西

吏部尚書李長庚等為湖廣議濟師留餉命將

張獻忠犯信陽鄧州兵科給事中史可鏡請鎮草兵數千
剿楚寇控扼襄陽德安兵部奏調鎮草五千以施南等處

兵足其數賊盡入應山都司僉書周元儒擊敗之以辰州
兵赴德安民兵赴應山此防楚東北情形也豫撫報左良
玉星馳鄭陽聽撫調度李卓馳光化與楚兵犄角此援楚
西北之情形也

賊自鄭陽金魚口渡江至界山花石街薄穀城明日自鄭州
九星院主先化又明日自雙溝至新野而襄陽賊渡襄陽
蔡村過耳路六路俱集襄陽兵不能支又賊四五千入自
浙川入郢犯南漳宜城房縣竹山圍均州往荆門西北夷
陵興山巴東麓陽

甲午兵部右侍郎彭汝楠致仕

乙未官軍戰翼城之青村斬賊百六十三級

丙申刑科給事中李世祺劾大學士溫體仁吳宗達忤旨
謫世祺于外

賊自鈞州掠穀城遂趨襄陽

丁酉張伯鯨為右僉都御史巡撫延綏
命司禮太監盧繼寧封朝鮮國王

有靈州丁卯貢士陳有增陷，逃回入殺胡堡求應禮闈
不許褫貢士為削髮也

辛丑賊陷洵陽偃興安而西鄉土寇乘之漢中為震游擊
唐通剿土寇而興安賊隨破紫陽平利白河三縣分守道
王在臺固守興安唐通又洪承疇赴之城得全時練國事
移兵商維巡按御史范復粹馳赴漢中賊始奔南破鳳縣
入四川

壬寅前吏部文選員外郎弓省矩自經於刑部獄

乙巳督脩曆法山東右叅政李天經奏月食有旨七政諸
行須晝夜考測李天經言七政之餘依新法則火土金三
星本年九月初旬會於尾宿之天江左右木星於是月前

犯鬼宿之積尸氣一時五緯已有其四非必以數合天即
天驗法之一據也從來曆家於列宿借星有經度無緯度
雖回曆近之猶然古法故臣等所推經緯度數時刻與
監推各不同如本年八月秋分大統曆筭在八月三十
日未正一刻新法筭在閏八月二日未初一刻一十分相
距八月臣於閏八月二日同監局官生測太陽午正高五
十度零六分尚差一分入交推變時刻應在未初一刻一
十分脗合新法隨取輔臣徐光啓從前測景簿數年俱合
春秋傳曰分同道包至相過也二語可為今日節變差訛

之一証蓋太陽行黃道中線迨二分而黃道與赤道相交
此晝夜之所以平而分應所由起也迨二至則過赤道內
外^各二十三度有奇夫過赤道二十三度為真
至則兩道相交於一線詎不為真分乎太陽有平行有實
行平則每日約行若干而實則有多
有寡獨
秋分為然謹將諸曜會合凌犯行度開具乞禮部委司官
同監局官生詳議以聞又蒲城布衣魏文奎言今年甲戌
二月十六^日癸酉曉刻月食今曆官所訂乃二月十五日壬
申夜也八月應乙卯月食今乃以甲寅遂令八月之望與

晦并白露秋分皆非其期訛謬尚可言哉臣年七十八謹
將本年日食月食時刻分秒令男魏象乾進覽

命召文奎入京測驗

丙午另賊自鈞州經穀城

辛亥殺胡堡守備葉逢春報建三千騎與降夷相殺自

水口入犯

癸丑賊犯遷安縣

大學士錢士升入朝

甲寅鎮筓副總兵楊正芳敗賊於舊縣金沙鋪

乙卯楊正芳破荆門州土賊

賊攻房縣明日夜毀民居門板昇攻坎城入之又陷保康
丁巳禮部磨勘御史摘貢士順天董茂成應天姚軒雲相
哥四川曹永嗣羅儒臣廣東宋偉祚鄒萬鎮廣西蔣誠
俱分別罰科有差

是月唐王聿鍵言南陽知府陳振豪於寇至張皇失措擅
取儀衛守陴崇禎五年臣捐千金繕城城今壞猶故乞別
選賢良命選振豪下刑部獄

南京兵部尚書呂維祺言南都鳳泗承天陵銀所在宜以

宿壽襄葉為咽喉淮徐則京師咽喉也乞勅淮南巡撫楊

一鵬急宜豫備賊勢果東似宜移駐

逃盜王登貴等六十一人投充家丁事覺伏誅

二朔午朔己未故大學士劉鴻訓卒於代州鴻訓字默承長

山人萬曆癸丑進士選庶吉士授編修使朝鮮擢右中允

左諭德憂去起少詹事尋瑞禍削奪丁卯冬復官拜禮部

尚書兼東閣大學士直閣歷太子太保文淵閣大學士以

私改勅書減死戍代州訃聞許歸葬

賊犯宜都夷陵枝江松滋歸州

辛酉周宗文為光祿寺少卿

壬戌大學士溫體仁吳宗達主禮閣

賊陷興山縣

部院大計畢科道拾遺貴州左布政使朱芹山西左布政

使河東分子道呂遜免餘分別降調巡撫南贛前

政陸問禮留用

監視登島太監魏朝以科給事中莊釐獻所上太平十

二策內撤監視因求罷不允

賊劫交城縣獄收其黨牛應魁出之

總兵鄧玘以二千人逐賊鄒西山中斬七百十二級蓋商

南逃餘也

癸亥賊犯萬縣

甲子科給事中莊釐獻降浙江布政使照磨

停募戰車

初陽王禮汭奏岷王企禮謀害章下禮部

乙丑白貽清蔡侃俱冒濫京堂劾免

中書舍人許懌然乞旌母氏節以私請不許

丙寅貢士初塲海寧郭凝之廣州張庚泰番禺陸應驥海

澄周琦俱懷挾監試河南廣東道御史韓一光倪于義摘
發除名

建義河工成

鄂北擊南漳賊斬三百四十九級

戊辰巡撫宣府右僉都御史焦源溥報榆漢虎墩兔熬避
建人遠徙部衆離散梯爰亦領千騎附建人

庚午禮部

郎中袁繼咸為山西提學僉事繼咸尋上

言士以廉耻氣節為端有廉耻然後有風俗有氣節然後
有事功如總理戶工二部內臣有覲官賫冊之令 皇上

七

從之特在清理文移剔釐奸蠹非欲群臣詘膝也乃令一
出靡然從風藩臬守令然謁屏息得免呵責為幸嗟予一
人輯瑞萬國朝宗諸臣未覲 天子之光先拜內臣之座
士大夫尚得有廉耻乎逆瑞方張時乾兒義子昏夜拜伏
自以為羞今且白晝公庭恬不知怪國家自有覲典二百
餘年未聞有此臣所為太息也科臣李世祺論輔臣溫體
仁吳宗達等既降罰世祺復罪考選文選郎中吳鳴虞語
曰養鳳欲鳴養鷹欲擊若鳴而箝其舌擊而絀其羽養鳳
鷹何益今朝廷於言官何以異之言官括囊无咎大臣終

無一議其後大臣所甚利忠臣所甚憂又臣所為太息也
皇上所最重者廉耻而天下誤以跪拜中官為朝廷之
令甲 皇上所樂聽者直言而天下誤以攻彈^貴近為 天
子之厭聞如此非 皇上自為挽回其波不止先是袁繼
成昨歲主考廣東以貢士磨勘被劾於是有旨典試錄卷
方經摘衆既陞提學即應勉供本職何得撻拾浮議借題
卸責張彝憲奏辨謂覲官恭謁彌尊朝廷繼成又上言尊
朝廷莫大於典例知府見藩臬行屬禮典例也見內臣行
屬禮亦典例乎諸司至京投冊吏部各衙門典例也先謁

內臣亦典例是事本典例雖坐受猶以為安事創彝憲即
長揖祇增其辱 高皇帝立法內臣巾服靴帽皆與外臣
有別而猶嚴於交結非內外異視也內臣有內臣相臨之
禮內臣不得緝外臣猶外臣之不得緝內臣若必欲以內
臣緝外臣會典所不載 上仍切責之

談逸曰張彝憲令外官投冊奔走海內設其時有朱雲
之折角抗章以請止論啓交結之漸且印冊去本任或
遠甚其何以辨 明主可與忠言安在其難回也一時
結舌甘詘其膝表臨侯言之雖晚猶侃 自命逐漁者

濡逐獸者趨逐闖者唯、諾、吾於是而追思高司空
之未易企也噫

知貢舉禮部左侍郎林鈺奏以貢士顏茂猷初場作五經
義凡二十三篇謄錄恐違式貼出又重其才有旨以其該
博許謄錄

辛未 上早朝聞橋南人聲命詰之

官兵擊沁水岳陽饑盜共斬百六十五級戊寅斬百五十

級
逮陝西鎮安知縣趙瑞庭以城印俱失

壬申提督倉場戶部尚書錢春改南京

岷王企鰲劾祁陽王禮守奪優人妻徐氏并入其二子章

下禮部

夜月食陰雲不見

賊入瞿塘陷夔州殺署印同知何承光道臣周士登通判

王上儀推官劉應侯奉節知縣譚楚良俱遁免蜀地陰而

瘠雖陷夔州不能宿留

癸酉議蕪湖戶部權政歸併工部

先是南京工部尚書劉定國鑄錢惡濫南京兵部謂不便

大學士王應熊以定國座師也擬旨庇之大學士錢士升以南鑄樣錢約重一銖俸錢約重九分餘皆帶鑄千文直七錢五分民間苦之蓋私錢不難禁而以官鑄濟其私猶私鹽不難禁而以官掣行其私也禁之為難業草揭溫體仁讀之曰不必揭第擬嚴旨工之曰錢法繫朝廷大權近聞南都鑄局除樣錢俸錢外夾帶私鑄非銅非鉛純用偽物薄小輕脆如同鷲眼以致鑄息竟飽蠹腹民間絕少制錢增局雖多徒增滋弊孔該部委任何官其查奏於是司官概罰俸蓋南部督鑄司官匠領銅在外私鑪鼓鑄每千

錢取息亦千數且併其工食扣之尚書類養望不能問也

談遷曰明季惡錢真鷲眼荇葉也千文不直銀三銖最
後高弘圖任南部力矯其弊鑄悉如舊令千文准一緡
僅給歲俸售於市仍五銖也又城外其直輕鑄本俱詘
無問息矣余嘗叩其故有賈人曰自秦晉楚豫燕齊多
盜諸市豪歛錢往走江南錢壅則直輕官無可禁噫

國家利權日趨於利薄亦垂盡之徵也

甲戌進何如寵少傅兼太子太傅吏部尚書建極殿大學士溫體仁吳宗達少師兼太子太師中極殿大學士錢士

升何吾驪太子太保文淵閣大學士並蔭子入國子監賜金幣以復登城功並辭

巡撫大同右僉都御史胡沾恩請散置降夷於河南陝西雜民間耕食事下兵部

禮部尚書李康先請皇太子出閣

乙亥故魏邦贈都督同知世錦衣衛指揮僉事時揆

張應辰為右僉都御史巡撫甘肅王道直為太僕寺少卿轄東路張鏡心為太常寺少卿

丁丑叙顯陵功

慶王上言宗祿如慶城王府於崇禎六年_方給萬曆二

十六年之祿工異之責向來有司何在

戊寅蠲登萊宿逋且賑之

贈田有毅錦衣衛指揮僉事

命石砮永寧遵義各兵一趨漢沔一趨荆襄聽勦寇

庚辰禮科給事中吳家周論溫體仁越次主試上不懌

鑄二級調外

壬午故禮部尚書董其昌贈太子太保

溫體仁奏顏茂猷五經墨義寘乙榜第一命准廷試於是

會試錄另書茂猷正榜前

談速曰永樂九年仁宗監國乙榜第一人孔鏞擢左

中允重聖裔也今許顏生廷對並變例而右文惜才於
以鼓窮經之學後來駿、有其人矣

兵部尚書張鳳翼進太子少保

甲申工祀先農躬耕籍田

乙酉予故南京兵部尚書陳道亨祭葬贈太子少保

是月海豐雨血

陝西臨鞏總兵李卑援河南謂內御無警兵部詰責之

曹變蛟招降盜五六百人至汝州仍劫掠

游擊周希諒以千人戰於定水敗沒

山西賊自宜川渡河合降丁饑民蔓延於澄城邵陽間官
兵斬三百餘級餘遁會北兵至夾攻斬百五十級遂突入
商維十三營號十萬掠洵陽興平流入漢川而盧氏內鄉
浙川上津鄖西之寇皆在三省界上

三月亥朔建丁出塞

已丑倪嘉慶仍管新餉史可法仍管舊餉

南京都察院右都御史唐世濟言流寇有四一亂民一驛

卒一饑黎一難氓宜分別剝撫 上善之命閣臣擬諭專委
總督陳奇瑜料理

庚寅程註改戶部左侍郎總督倉場

辛卯 上御文華殿日講畢閣臣退命再入問陳奇瑜今
安在溫體仁曰聞自延綏程起先推總督原擬洪承疇因
陝西三邊所恃未輕易故擬奇瑜今彼以延綏精甲請餉
三十萬 上曰已題留新餉體仁曰昨唐世濟言解散難
氓每人給百錢恐不足資遣 上右顧錢士升士升曰新
餉雖留此時官未盡徵恐不濟急至難氓必資遣方活但

給免死票勢終為賊 上低回久之諭曰鄖陽失事昨處
允儀為輕王應熊曰巡撫須得人 上曰此專在吏部近
來用人拘泥資格用已榜巡撫為怪體仁曰臣在闈佳卷
甚多其空踈惟四川雲貴畏遠費早選餘省多遲莫不得
其用 上曰為已榜困抑所以至此又曰近來文章俱浮
習如董仲舒天人三策真文章也

予故

楊守勤祭墓

官軍擊平陽饑盜斬百九十級

巡撫山西右僉都御史戴君恩題留新餉二十三萬乞准

開銷又乞帑賑命於太僕寺量給時山西自去秋八月至
今不雨大饑人相食

癸巳故戶部主事請成李秦下刑部獄

乙未南京

道御史趙志孟乞宥建言科臣莊鰲獻章

正宸等不聽

丙申荊州推官劉承纓報賊於香溪平陽二壩斬千餘
人餘賊走入蜀

己亥大學士何如寵在道屢引疾不許刑科給事中黃紹
杰言徂秋周延儒去後特召舊輔何如寵入首揆乃如寵

十九

棲遲里門徘徊道路豈有所疑畏瞻顧而不敢前耶從來
君子小人不能並立則次輔溫體仁當知所自處矣體仁
入閣無歲不旱無日不霾無地不災無在不盜燹理固如
是乎秉政既久窺旨必熟故中外諸臣承奉其喜怒如一
人當用則曰此與體仁不合者一事當行則曰此體仁所
不樂者如覆一疏本自有公道則懼體仁之意有所屬欲
建一議則恐體仁之忌凡此皆召變之繇乞勅體仁省躬
引咎回天心慰民望也 上責其率妄調外
巡漕御史禹好善奏順濟河決四十餘丈不可漕與總河

所報有異命好善馳視
辛丑策貢士李青等三百人於建極殿時閣擬策問二道
聽裁 上自手書大半曰所與共治天下者士夫也今士
習不端欲速見小茲欲正士習以復古道何術而可東人
本我屬夷地窄人寡一旦稱兵犯順而三韓不守其故何
與目今三協 以及登津等處各有重兵防東也敵不
滅兵不可撤餉不可減今欲滅敵恢疆如何作用且流寇
久蔓錢糧闕額言者不體國計每欲蠲減民為邦本朝廷
豈不知之豈不卹之但欲恤民又欲飽軍何道可能兩濟

即屯田鹽法誠生財之原屢經條議申飭不見實效其故
何與至於漕糧為三軍續命馬匹為戰陣急需折截掛欠
遂失原額何制其道何復今雖東人猖獗河套有可復之
機邊外儘可作之事但難於東人窺伺朝野匱乏近降夷
繼至作何安插、套連合作何間破流賊漸逸鄭廣海寇
時擾浙閩剿滅不速民難未已兼之水旱頻仍省直多故
作何挽回消弭又唐宋曾以武臣為中書令樞密使文武
似不甚分我 太祖高皇帝曾以直廳為布政典史為僉
都今奈何牢不可破爾多士留心世務久矣其逐款對答

母諱朕將親覽馬舊進呈十二卷命再呈十二卷賜劉理
順楊昌祚吳國華等進士及第出身有差乙榜顏茂猷亦
高第

甲辰隨犯巴州隨州

乙巳官兵敗賊於巴州

丙午套、揀漢合犯寧夏河西玉泉營總兵馬世龍擊之
斬五百四十五級歷四月未出

戊申南京鴻臚寺卿袁業泗罷

癸丑賊陷安定縣殺游擊李在科知縣張文耀遁

十一

甲寅偏頭橋叅將桂聯芳戍邊

衡州大風雨桂王府墻圯壞民居亡筭

丙辰朔逮撫治鄧陽右僉都御史蔣允儀以失陷鄧西竹

山房縣也後遣戍

海寇劉香掠海豐

丁巳大同新平堡守口舊夷報投降

盜焚陳州哨及於毫時屯於歸德光山固始

己未吏部左侍郎李邁知等請發帑金十萬賑陝西事下

戶部

川兵擊賊於廣元敗走之

戶部尚書畢自嚴削籍

前考選知縣數完賦華亭知縣鄭友玄虧金花銀三百七

十餘金因在京自補之自嚴收庫未及題上怒其徇情

故罷

賊從 羊腸河口突出千餘總兵張應昌敗之於大牙

山

四川總兵張爾奇同監軍 率各路兵以進賊渡利州

河札陽平白水等關分四路土人力拒賊走奉節

十七

庚申新平堡參將馬鉄貝誘降夷入市酒之收其弓矢詔

以軍門巡邊出迎遂驅而殲之上首功

辛酉新平堡棉黃散石驍傳烽守備王國臣馳斬八十級

流賊二三萬自石獐山奔河澗

西，互打兇漢吉囊等前以三萬騎乞降宣大總督張宗

衡請追回降建人者命督撫酌處

前 科給事中莊鰲獻下刑部獄

壬戌常州鎮江雨雹傷麥

癸亥命進士觀政各衙門務練事諳律毋怠玩仍以二三

甲資格選授上之

乙丑張全昌連擊賊斬四百六十八級

丙寅賊在房縣婦倍於男張全昌擊斬百五十八級

丁卯安位以兵送安邊往雷益州

戊辰鄧玘由竹山竹溪追賊斬百六十二級

己巳涼州副總兵王紹勳以貪婪擅受降夷駝馬降正千

戶調烟瘴自贖

衆雲糧儲主事王忠孝以米豆浥爛戍邊

戶科給事中姚思孝言惜才惜刑上是之

庚午李早為總兵官鎮守臨洮率兵還鎮西援秦隴

辛未吏部上乙丑科進士選例

吏部以扶風知縣王國訓推戶部主事謂調任未久不許

監視大同太監劉文忠奏新平堡參將殺降略虜

刑科給事中鍾斗言穰旱修省實政有八大弊曰徵輸曰

死亡曰有司曰士氣曰言路曰廢棄曰功罪曰獄情上

是之

壬申 陷保安州

癸酉 上詰吏部進士初制云何尚書李長庚等引狀言

選制止據會典及吏部職掌二書洪武二十六年定第一
甲第一名除修撰第二三名除編修其餘辦事各衙門內
外以次兼除二甲何官三甲何官會典亦未載攷本部職
掌開二甲在內除主事在外除知州三甲在內除評事行
人中書等官在外除推官知縣他亦未之詳也其品級二
甲支俸從七品而知州則從五品主事則正六品三甲支
俸正八品而評事博士推官知縣則正七品中書從七品
惟行人正八品今改從七品此近代銓例也

甲戌命 道御史梁炳賑饑陝西賫帑金五萬時山西

永寧州民蘊倚哥殺父母爰而食之

川寇二三萬人由返也由鄭陽之黃龍灘分三道一均州趨河

南一由鄭陽趨浙州一由金漆料過河趨商洛盧氏張應昌戰

均州五嶺山失利還均州

商南有流賊千餘官兵斬三百二十七級匿河南盧氏山
中者河南總督陳奇瑜逐賊至盧氏賊已往商雒即從之
而勝受降五百二十餘人河南稍安

西由陷得勝鎮羗二堡

乙亥援剿總兵官鄧玘逐賊竹山 平斬一百四十三級

丁丑賊陷兩當縣知縣杜世薦棄城先遁下臺訊
戎寅諭兵部曰東胡日用仰資中國或因奸人透販或假
屬夷暗購若邊臣果加意禁絕自令坐困乃敵計偏狡我
防甚疎向屢經嚴飭不見恪行兵部可分諭宣天山西昌
薊三協閬寧登津等處督撫監鎮查遵前旨自鎮堡關隘
以及墩臺僻境糧艘商舟俱設法嚴緝彼重烟酒茶絹布
縷硝黃銅鉄粟米針線等犯有確証不分首從梟斬有功
員役賞同輒級如疎透查出罪同失機仍開列應許屬夷
市物奏定尤當分別逆順如經投彼復來乞賞必受彼指

使為窺伺接濟之具即設法殲除絕其窩導

己卯鄧玘於麻家渡斬賊百五十九級

賊攻蒼溪陷兩當鳳縣先是總督陝西三邊洪承疇因揮
漢犯甘肅即漢中行至棧道青橋驛聞川賊數萬營寧羌
州七十里去漢中三百里僅官兵四百於庚申返褒城至
沔州撤援寧羌賊由陽平關過河奔掠鞏昌丁卯承疇過
白水江辛未抵隴州壬申至成縣議守益兵秦州見賊勢
重涇益邊兵及兩當鳳縣連陷分道一向邊方一向漢中
知府斷棧道守雞頭岡賊不得至褒城間道由漢王山犯

城固洋縣官兵助守賊間往石泉漢陰承疇夾擊又別部
賊二萬由鳳縣趨寶雞汧陽求撫承疇姑慰諭四川巡撫
劉漢儒以三千兵赴秦又湖廣流賊二三萬犯平利蓋春
夏間楚蜀賊合於秦撫治鄖陽盧象升總督陳奇瑜以數
省兵力萃於楚故賊盡奔漢中興平而四川巴州通江入
西鄉者復二三千前自棧道犯城固之賊又東下原泉隰
陰凡各賊皆盡歸漢中興平而接於商維

談遷曰流寇劇於秦五年壬申冬盡入晉癸酉自晉而
楚四出莫制幸其就蜀仍北入秦棧道迫東衆不得成

列假早得精甲萬人驍帥三四輩扼險狙擊十萬之衆
立可併也天隔其會縱虎狂逸長驅數千里奔東突西
潰南走北卒無一便地無一勁師相乘以制之豈非九
六之運事有適然者與

雅州地震聲如雷

辛巳毛兵敗於武安失亡百八十二人

癸未賊往四川阻大江謀入西安之終南分道兩南下直
羅官兵斬百五十餘級

是月宣大收降夷五千一百九人婦女不預焉時揅漢虎

墩兔慙西徙

總督漕運楊一鵬奏去冬十一月穎臨穎壽虹五河蒙城泗霍丘盱眙天長靈璧穎上太和俱有異鳥叢集羽毛土色雀喙鷹翅兔足鼠爪來自西北千萬為群不棲於樹而田之集飛則蔽天落則滿境盡食二麥亦異災也

五朔戎朔監視宣府太監王坤報馬鬃山夷帳千餘

燕湖權閤改北 部司官從太監張彝憲之請

有賊出黑水峪西行至盤屋敗於鄉兵復折入南山

丁亥九江長松館居民浚古井得統軍元帥之印背鐫中

書禮部字年月不辨狀中方外員南康推官李嗣京上之

巡按李著以聞

蜀賊屯平利縣之白土關 臨洮營陳可受擊之失利陣亡

百戶崔重隆把總楊永職守備焦萬廩千總楊承租焦萬

倉大盜絡繹數百里環興安州境

臨鞏總兵李阜赴援襄陽卒

報盧氏賊趨陽高南內鄉柞川賊潛奔盧靈陝永山中

戊子議賑山西饑民

賊數百人自階州入臨江驛

尚膳監太監王永祚議三宮膳著歸併大庖從之

乙丑故 胡桂芳贈工部尚書 郝名宦贈兵部

尚書 馬從龍贈工部右侍郎

諭釋輕繫

揮漢部衆約三萬人在獨石塞外投建人官兵出塞頗斬

獲

庚寅建昌路叅將劉芳聲等私役部卒採木成邊

辛卯免浙江崇禎三年以前織造段匹

巡撫延綏右僉都御史張福臻奏本鎮自荒盜以來本色

廿二

停征民屯二租已無粒粟至折色惟解延安慶陽已輸鳳

翔僅千餘金止西安河南布花銀徃歲完十之九今西安

之荒不減延綏乞部議除額餉外量設處五六萬金到鎮

設法買將待斃軍民予以升斗之粟

賊陷文縣守禦千戶所及文縣城去歲大旱入秋早霜冬

無雪今春不雨斗米七錢延綏西路數年不登賦分部一

掠廊延奔綏清金峪者官兵擊斬千三百餘級一掠延慶

亦擒斬數百皆傍終南山竄入商雒

壬辰裁密縣主簿

癸巳禁烟酒

揄漢虎墩鬼愆犯寧夏總兵馬世龍拒之斬八百九十餘級

甲午叙禁旅功進佺寵太子太保王朴右都督各廕錦衣衛百戶

乙未巡按陝西御史范復粹報流寇復入漢中一百黃壩犯寧羗一自竹溪入平洵

丙申洪承疇以副總兵賀人龍劉成功等兵二千游擊王永祥騎八百赴藍田蓋寇出陝西之道有二曰商雒曰漢

興平時賊深入南山大峪實近省會故逐之遂東奔綱

峪川復入大山遠竄商雒其前犯西安涇陽三原之賊李自成張獻忠等俱西奔藍屋鄠二縣南大山北渭河相距

三十里各賊出入秦中專徑此遂檄撫標都司高崇選李世春以三千五百人戍藍屋監軍道劉三顧節制杜東西

之侵軼
丁酉誅張醇儒徐在中翟應奎王國輔其宋晉論辟錢時

式邊李寧蘓若霖趙之翰下司禮監柳佐許如蘭呂濬俱視職追告身經管各官姚思仁下吏工部覈處以德陵雨

壞也

故

吳世揚贈光祿寺少卿廕子入國子監

外戚劉文炳文耀進都督同知

裁大同府北路同知

薊遠總督傅宗龍密陳防海疏欲盡撤皮島兵以節浮費

兵科給事中常自裕言島帥一撤誰探建人之動靜誰聯

屬國之聲援不可不詳籌也事下兵部

戊戌太監閔思切降奉御楊開泰降火者以縱役婪索也

官兵追賊於郿縣之五大原斬一百八十一級

子

巡按湖廣御史白士遴吏部例推陝西按察僉事以未回

道不許

己亥賊再陷鳳縣知縣胡逃二洞病死縣設於棧道中

轄六驛去寶雞漢中一百里而遙漢南招撫之賊一出棧

道西陷麟游永壽東陷同安

庚子賊走鳳翔西趨汧陽隴州官兵追之長寧清水間

參將劉光祚為副總兵署都督僉事仍管東路參將事又

萬年進署都督僉事候副總兵

辛丑故

李正中贈兵部車駕郎中

賊陷盧氏縣

壬寅予故

陸仰任

宋一桂祭墓

癸卯責刑部都察院清獄稽緩

乙巳洪承疇自漢中西援甘肅

鳳縣往寶雞之賊為官兵追至郿縣斬百八十二級

巡撫陝西右僉都御史練國事奏今日最難有五曰關兵

之難榆林甘肅寧夏為天下精兵處大盜起於延綏榆林

兵力不足遂大調甘肅兵成功自寧夏喪師於靈州甘肅

喪師於涼州今防插漠且不足能分以剿賊乎榆林兵止

廿六

五千陳奇瑜帶之別省三賊三面入秦防兵不過臨洮固

原且素稱防秋又當西還則兵愈少曰關餉之難往年民

運速而年例遲今年例足額且至而民運寥、曰西安鳳

翔兵荒所留新餉支盡不抵三鎮之用司府無可借餉將

安出曰關官之難官非盡不肖咸重功名愛性命荒盜頻

仍有參罰戴罪陞轉無期有俸錢絕無望斷家鄉有追贓

客死有失城就逮道府且不樂就何況有司今官闕三十

餘員行取考選秦省無一人獨非仕國乎則關官固宜補

而參罰亦宜少減也曰宗祿之難秦俗囂悍貪宗尤甚岳

涎賑金漸不可長曰驛迎之難秦晉驛通例不全給今募夫更苦十倍飛報邊情在火牌勘合之外與別省不同故人人思遁凡在衝路宜全給以安其心
丁未工科給事中范言收借限田工以收借必至擾民限田尤屬混占切責之

戊申陝西按察副使賀自鏡以家在李清店屠於賊奏監紀太監孫茂霖玩愒監視宣府太監王坤奏監軍紀功罪耳追逐有諸將在有撫按道府在果如自鏡言則地方官罪不在茂霖下矣

庚戌薊鎮火藥局災

洪承疇等自盤屋鄙縣渡河抵岐山向平陽東分三道東往涇州鎮原寧州而大勢盡向靜寧秦安清水間寇十餘萬承疇戰兵才三千在漢中總兵左先游擊趙光遠斬桂香兵三千四百有奇在臨鞏總兵孫顯祖兵千五百然將卜應第吳弘器兵二千在平涼副總兵艾萬年兵千人止可城守其游擊王永祥馬獻圖分戍者不預焉總兵張全昌等兵六千專視盜所向為援剿陣亡太監楊遇禱贈忠勇營中軍藤錦衣衛百戶

壬子西御納溪賊四川副總兵 冒雨擊之斬四十七級淹數百人

故總督河道工部尚書朱光祚卒於獄

是月秦山盜逸出峪口欲東走靈寶西走閩御官兵追卻仍入秦山

六月卯朔總督陝西三邊洪承疇奏漢南之東自洵陽白河平利至興安石泉漢陰西自西鄉洋縣漢中至沔縣寧羌界略陽各接楚蜀今各省大兵盡入楚蜀又五省督臣在後各賊必仍偏入漢南陝西巡撫練國事移駐商維禦

豫楚大寇巡按范復粹以西安久旱斗米五錢人心搖移駐省城彈壓深憂漢南親藩重地謂臣一移動恐楚蜀大盜復入但邊疆事重馳援甘肅臣難無顧見在豫楚征賊延鎮之兵宜遣回自顧三議練兵兼制盜

張鳳奇守永平闔門殉難弟鳳梧入國子監

叙禁旅功太監曹化淳加級世錦衣衛正千戶袁禮楊進朝盧志德各百戶賜金幣餘有差

閩南兵敗賊於納溪斬三百七級

丙辰總督宣大張宗樞請許口部夷貿易茶粟從之

總兵陳洪範自請戒樟漢有旨趣赴登州

丁巳故兵部侍郎翟鳳翔予祭葬

臨洮總兵蔣一陽以怯敵戍邊仍准原襲

戊午諭吏部館員應先歷推官知縣科道不必盡由考選

二甲每十四授知州三甲每十九授知州俱令涉歷民事

俸滿一體考選

己未戶部遣主事余鷓翔市銅荊州常德

辛酉禮部攝南渭王府事

壬戌故下荆南道副使徐景麟遣戍

癸亥總督宣大張宗衡報崇禎六年十一月至今共收降

夷男婦一萬二千八百二人留陽和壯夷四百八十六人

幼一千一百五十六人

巡撫遼東方一藻報建人西行

乙丑予故武進伯朱 祭葬

丙寅總督陳奇瑜同撫治鄖陽盧象昇剿竹山竹谿各山

寇連戰斬一千七百五十三級

丁卯兵部言宣府降夷千餘安知非投建人作奸者宜慎

備之報可

兩甯知縣杜世薦下臺訊先棄城遁也

賊犯郿縣為鄉兵斬溺甚衆賢雞岐山義勇聞風率先賊
敗去

邛眉茂峨眉丹稜蒲江蘆山犍為青神大邑峽江等縣各
早是日大雨至壬午水溢壞城垣田舍人畜亡筭

戊辰飛蝗蔽天

己巳副總兵劉成功柳團鎮艾萬年等以三千人戰寧州
之襄樂頗斬獲俄賊衆伏發被圍萬年團鎮敗沒失亡千
餘人兵將俱重創

庚午總兵許成名鄧玘等三路坎賊於平利縣斬一千七
百五十三級
報賊掠均州

癸酉有虎入嘉定州范氏樓上斃之

青巡撫四川右僉都御史劉漢儒縱寇逸秦著各督撫協
剿殲不得以尾逐塞責

甲戌先是總督陳奇瑜圍李自成大部於南山車廂峽蓋
入漢中路非華山也會連雨四十日賊馬乏芻且苦濕死
者過半弓矢俱脫賊大窘乃自縛乞降奇瑜許之各給免

死票回籍是日出山

吏部請贈故

林欲屢謂濫恩不許

乙亥總兵張全昌副總兵賀人龍以三千人至清水之張家川斬賊百六十餘級

丙子先是部院吏禮二科議銓除考選上責其仍執前

議漫無更定祖宗為官擇人意豈盡如此至是吏部議於

二甲前一人仍除主事第九第十除知州餘除主事第四

第五第九第十俱知州至二甲末止於三甲如舊除評事

博士中書行人十之一推官知縣十之九推館員國初楊

士奇張洪自王府審理教授儲懋王洪陳山自給事中于

敬自御史劉球李時勉自主事黃淮自中書舍人蔣驥自

行人胡儼自知縣鄒濟陳仲元自教職今定甲戌科為始

選庶吉士臨期題請亦館員應令先歷推知之明意也又

科道官每三年朝期留題行取推官知縣知州與評事博

士中書行人同考科道部寺等官如非親年過急關風憲

照往例行取不必懸人待考部屬才著同部科酌題此亦

科道不必盡由考選之旨之意也

丁丑董用文以原官鎮守保定等處兼備倭總兵官

御史姜兆張降工林苑監署丞

張全昌追賊失利都司田應龍張應春死之賊連勝益驕
欲犯西安涇陽三原等縣洪承疇令總兵曹文詔以三千
人自寧州真寧往援

己卯蘭州知州李景時遼東義州選貢生也遭亂僑家南
京舍人以河西道朱純書投左都御史張延登求南闕被
東廠緝獲下鎮撫司遂逮朱純等

流盜陷華亭縣

辛巳方逢年為南京國子祭酒李建泰倪元璐為左右庶

子兼翰林院侍讀錢士貴為南京鴻臚寺卿

壬午寧夏總兵馬世龍擊揅漢於棗園堡斬一千四百餘

級

曹文詔至真寧湫頭鎮參將曹變蛟擣賊追殺三十里文
詔率步卒從之賊數萬合四路圍我數重文詔力竭走免
游擊平安等陷二十餘人失亡勁卒四百餘人

建。圍大同

禮部 侍郎林鈺歸省

癸未官兵於上津斬賊二百十六級鄖之江南巨寇搜剿殆盡江北鄖津近商維盧氏竄入焉

甲申湖廣副總兵楊正芳擊賊於秦界嶺斬五百六十一級

登萊總兵楊御蕃罷

是月城固三原武功之賊官兵擊斬五百十六級

陳奇瑜於硤石獅子山剿秦晉遺賊斬七百二十五級淦五千餘人墮崖死者二千餘人

卅三

戶科給事中杜三策行人楊掄還自琉球

洪承疇駐三原雖兵止二千五百張伏設疑賊遂屯淳化

耀州境上未南下涇陽三原尋由耀州奔富平東走同州

朝邑欲渡渭河

七月酉朔陳奇瑜等擊賊斬三百七級賊走平利興安紫陽洵陽又楊正芳等斬賊七十四級

降盜陷隴州陳奇瑜聞之知勿決檄各屬嚴守待師

諭兵部國家崇重武階非功不授近來札付加銜借朝廷名器妨賢滋偽糜廩尅軍大非法體向查禁未見祇遵着

兵部下各督撫鎮嚴加飭核如果技勇武功量與給札至
金書守備而止其餘罷閑雜職黜矜猾胥等徇私冒濫俱
汰革追札禁札付加銜

戶部上錢法十議 上是之

加築京城厚一丈

丙戌日食

光廟選侍馮氏封敬妃邵氏封慎嬪

賊出武安

丁亥李國裕陸卿鴻廕錦衣衛副千戶世襲

戊子進士顏茂猷上所纂書七種道統元集天道管窺聖
道管窺祖訓廣義居道史吉錄臣道史吉錄兩都賦
方逢年為國子祭酒

從工部請重農積粟命山海薊門等處牧場外堪耕者許
軍民開墾永不起科

降盜執撫牌詔晉雞縣城知縣李嘉彥不納賊遂攻城我
砲卻之賊夜遁越二日陳奇瑜至獎勞嘉彥

己丑洪承疇奏見賊在慶陽西安拒敗官軍猖獗如此其
臨鞏秦州清水興平平涼固原及懷慶以北各賊可十四

五萬大抵賊自七年非昔日比知官軍一二萬必不能先
馳先嘗逃兵今迎敵恃其勢衆旁伏連進則剿殺之難賊
皆有精騎賊每跨雙馬官軍馬三步七則追逐之難賊攻
堡掠野到處可資官軍待廩轉運則糧芻之難賊入山負
峒官兵相持一日即坐誤一日則時日之難且請鹽課銀
三十萬加曹變蛟秩鼓其敵懷而兵部以秦人李過知等
告急請濟師措餉因言原調兵七萬二千督臣派一萬五
千有奇扼楚者一萬五千有奇扼豫者一萬五千有奇九
千防蜀隨征督臣者僅二萬二千有奇曹文詔三千張全

昌千五百張外嘉二千五百與秦中諸將部兵總二萬二
千分禦毋怪乎屢戰失利也較原額尚少一萬宜督臣自
補西兵令將王承恩援兵五千加以二千又甘肅寧夏共
募五千及前調四川兵九千并鎮筸兵可千五百俱赴督
臣行營責王承恩擊廊延之賊責尤弘勳虎大威 馬
科劉先祚擊窺晉之賊責董用文以兵五千分駐臨磁一
護畿南一防河北加曹變蛟副總兵
征西將軍左都督鎮守寧夏總兵官馬世龍卒
庚寅馬之麒為國子司業項煜為南京國子祭酒

進曹化春都督僉事世錦衣衛千戶

辛卯賊至鳳翔西關藉口奉督撫文安挿城內守臣知為巨寇詔以門不敢啓須繼城而上凡繼三十六人盡殺之總督陳奇瑜因借以為辭衆地方官紳撓債撫局激怒命緹騎逮賢難知縣李嘉彥及鳳翔鄉紳孫鵬等五十餘人下刑部獄

談遷曰南山車廂峽之役困於積潦天假其會得有此日倘懸險遂擊數萬之寇一鼓可殲而陳總督為其所愚得以反噬噫天與不取反受其咎庸聞誤國可勝道哉

建入大同張家口又入膳房堡焚龍門關

延綏遺賊穴於延小關蓋秦晉之交也延綏巡撫自

延川進兵明日抵其地斬一千一百餘級餘遁

叛兵楊國棟等擁三千騎披雙鎧直抵西安城下乞撫巡按御史范復粹無計惟登陴固守明晨巡撫練國事在鄠縣聞之馳還登南城檄賊至灤畔講一日夜未決度不受撫必西走鄠盤屋密檄沿途官兵飭備更設伏於盤屋境上之夾水溝時禾茂泥淖騎不任馳伏發火攻殲其半國事又遣官招之諭殺渠自贖予工賞頃之賊黨斬國棟以

首獻賊人人自疑互戕千餘人餘仍入南山
壬辰建，陷保安懷來命翼遠總兵官吳襄山海關總兵
官尤世威以兵二萬分道援大同時連東積安頗有言巡
撫方一藻總兵祖大壽通建，故移其警於西
洪承疇令參將曹變蛟赴三原
發帑五千金蟒段二十匹紅段二百匹紅布二千匹給監
軍太監高起潛賞功
故鎮原知縣董三謨贈光祿寺丞立祠婦李氏樹坊
癸巳京師戒嚴

進總兵官董用文太子太保王加春右都督王脩仁都督
同知洪光署都督僉事

楊文舉陳立先各廕錦衣衛百戶

忻州知州史臣贊遣戍

建，屯膳房堡沙嶺往陽和

甲午予故 吳世揚祭葬

乙未洪承疇趨富平轉入渭南過各賊

叙州定遠堡母猪龍洞聞銅鼓聲一日夜

丙申吏部前以兵部員外郎李懋學推順德推官有旨懋

學前推真定未久奉旨甚明何又遽推順德且述旨不詳
責尚書李長庚回奏文選司員外郎程良籌落職下刑部
丁酉建、圍宣府被砲擊退在深井天壽山守備王希忠
以聞命亟收保人畜

戊戌建、四掠永寧明日官兵值之敗績
大同報斬、百五十級、退

命保定巡撫丁魁楚移駐紫荆關山西巡撫戴君恩移駐
鴈門關總兵陳洪範移駐居庸關

己亥御馬監太監黃鍾育尚膳監太監王之俊潘良臣符

國祥張國月楊君慎司禮監太監孫朝喜俱提督忠勇營
洪承疇次華州各賊聞之自朝邑折而北奔澄城郃陽

關御靈寶陣沒各官
張元機贈游擊將軍
胡良

翰陳所學贈都指揮僉書

建、陷鎮羌得勝二堡守備許平虜降

庚子太監孫茂霖監防紫荆倒馬二關

大盜混世王等從鳳翔郿縣東奔盤屋鄠縣云犯西安洪
承疇馳一晝夜明日入西安預檄富平關兵及張全昌兵
自清水汧陽鳳、已到涇陽俱赴西安合擊賊、賊至西

安之東境我兵疲未出

河南

總督陳奇瑜報楚賊略盡雖上津殘寇易圖也

聞漢中西鄉洋縣城固賊亘二百里即回兵西行

辛丑兵科給事中常自裕言大不可輕敵乞樞部統計

天下兵馬十抽其七飛調十餘萬以圖合圍庶克有濟章

下兵部

壬寅許黑雲龍朝參

洪承疇恐賊自渭南華州東出潼關也先令張全昌副總

兵曹變蛟間道走渭南華過其前承疇出至潼關紅御溝追

廿九

賊游擊李效祖栢永鎮力戰自辰至申賊始卻不能出關

因登山承疇自潼關馳赴藍田欲山後間道剿之

甲辰宣大總督張宗衡請禦胡用火攻募義勇約費五萬

金許之

督修曆法山東右叅政李天經上曆元二十九卷星屏一

建圍大同左衛

盧象升追上津賊於也家溝斬一百八十六級總兵鄧玘

功最

乙巳代府叅強王萬鎮薨

丙午賊登山知官兵意中夜走商維山中初太監馬守應等萬餘先踞南維山中今又賊萬餘其地疊嶂重岩越險阻即可出洪承疇又率張全昌趙光遠共兵三千赴潼關大峪口截其出仍哨關御靈寶諸處交相備也而前淳化耀州富平賊李自成張獻忠等東奔商澄城縣圍郃陽旬餘聯絡百餘里聞承疇兵至解圍由清水秦州窺平涼郃州矣或南或東無定局也承疇上言今日官兵必數千或萬餘合成一旅方可決戰今南維各賊外有堵兵而內無剿兵澄城各賊臣督萬兵分兩哨合力以挫賊鋒至平涼

郃州等賊無兵分應則今日賊勢斷非見兵可滅此事理之易見者也

丁未王楫為右僉都御史巡撫寧夏

王牒多舛領宗人府事駙馬都尉王昺罰俸半年

建、陷保嬰州殺知州閻生斗

戊申後軍右都督黑雲龍管神樞營右副將

建、西行新安堡游擊頗重耀乘半渡擊卻之

己酉建人窺朔州圍渾源州

福建北路叅將鄧樞失事成邊故

王克威贈游擊

將軍

大盜至雒南總兵尤世威兵潰天津營參將徐來朝赴援
道遁賊越盧氏奔永寧先派守蘭草諸隘各兵露宿三月
致疫痢不任戰游擊劉肇基羅休重創

庚戌諭兵部曰天厭允夷今來投首惟念我中國將士陷
於下中向值勢窮窘於迫脅或憂讒畏禍誤投羅網誰無
父母妻子之想即前在瀋陽相聚西望而悲亦可見矣朕
甚念之今既到中國乘機作事如斬小憨首賞三萬金封
世侯斬偽王子賞三千金封世都督斬頭目賞千金世錦

衣衛

談遷曰國家法網過密當其危急冀度外之士懸非常
之賞卒不見信謂烽燧少弛文法吏仍議其後也如靈
州貢士陳有增陷胡脫歸求應禮闈以削髮并奪其貢
士夫陷胡削髮非其心也彼豈能矜漢人而髮全之哉
假能擒斬立功必徇於胡庶或伺間逞使入於中朝又
曰爾何削髮忘故俗也功不足賞而法不容貸嗚呼此
李陵衛律之所以甘心於匈奴也

大同左衛之南犯威平堡操守大同後衛試百戶樊胤

鼎私以牛三羊七布六匹酒二缶勞之遂解圍南掠平

東平大水滕縣東閔龍起水滄四五百餘人

保寧廣安忠綿鄴都安縣彰明 津俱大雨水

辛酉亥雒南賊抵上下固縣營南河又賊數萬自雒南箭捍

嶺往索塔河盧氏靈寶之交也

壬戌子總兵尤世威失利被創回盧氏巡撫河南玄默撤左

良玉兵自內鄉陳治邦馬良文等自雒陽並赴盧氏為援

慶陽賊祖勝乘勢南下烽火徹三原涇陽耀州富平

癸亥丑戶部以外解不前議責成撫按之法從之命御史回

道嚴加考覈撫臣歲終查叅奏奪

副總兵楊士恩追賊於石泉壩斬二百七十六級

揮漢虎墩免慙又犯寧夏廣武營官兵擊斬四百十六級

湖廣總兵秦翼明至上津縣商州賊犯豐陽豐陽古廢關

地接秦楚而咽喉鄭襄者也豐陽後有小徑曰罩川口可通

鄭西鄭陽撫治巡撫宋祖舜令游擊周士鳳以六百入戍

罩川口翼明夜發兵架梁入賊營後昧爽分兵搗其營賊

稍怯斬百四十九級

是月巡按陝西御史范復粹言漢南興安流賊入商山度

今日之勢非總督洪承疇不可甘肅已退秋防尚遠督師陳奇瑜急宜提旅而前鄖陽新撫盧象升亦宜顧漢南興安督臣暫駐於漢撫臣扼賊於商而寶雞鄖係賊出路總兵楊麒禦之分局合剿焉

八 明寅朔姜光先為署都督僉事總兵官鎮守臨洮

建 圍蔚州

故行人楊于階贈光祿寺少卿

尤世威自盧氏東行

先是 工憂寇無已時召諭戶兵二部於是以前淮撫兵二

千三百楊御蕃兵千五百扼南畿要害護 祖陵以董用

文兵五千赴彰德倪罷等兵三千牟文綬兵二千赴山東

河南協剿以河南兵一萬五千九百湖廣兵一萬五千李

重鎮關兵四千凡四萬五千並赴河南以秦賊止在商維

者入河南餘數十萬尚在涇陽三原間洪承疇勢不能舍

秦入豫命湖廣巡撫盧象升加總理直隸河南山東四川

湖廣等處軍務俾統各路征剿其承天兵三千責巡按余

應桂居守如秦寇盡入豫承疇督剿西北象升督剿東南

如賊復入秦則象升亦入關而豫賊有自中牟直走滑川

有自祥符轉入尉氏旋突禹許長葛間而豐陽閔之賊不
得出轉出朱陽閔屯靈寶凡十三營其前部三營張平國
往許州王成龍往鄆陵許文冲往尉氏大營在永寧盧氏
約九月向山東以誘我兵出東赴因襲汴梁也
乙卯以延綏東路叛兵與流賊合在盤屋官兵擊斬一百
九級鄉兵斬^擒七十六人
丙辰叛兵自斬其渠楊林降者九百餘人官兵又斬三百
八級擒三十人是日魏家坡追剿甘泉劫餉之賊斬百餘
級

賊攻盤屋知縣田時暢拒卻之

督師陳奇瑜報降賊解散男婦一萬三千八百七十七人
斬渠魁十人俱延安安定等縣民並令還鄉

建 陷代州

丁巳賊從隆德犯華亭流賊過靜寧攻隆德知縣崇德費
彥芳告急固原道叅政陸夢龍駐靜寧州聞警往援先遣
把總王珍領二百人往即遁明日隆德陷彥芳被殺夢龍
戰隆德城外都指揮石崇德游擊賀奇勳俱陣沒事聞俱
祭一壇贈夢龍太僕寺卿

戊午夜賊李自成陷咸陽殺知縣趙躋昌洪承疇援兵至
值於城下賊棄金帛餌我兵竟西遁
戶科給事中宋玖請羈縻揀漢不許

談遷曰揀漢棄所部西遁各帳離散一窮胡耳雖踣躅
西塞其志未嘗不覬市賞也誠發間使示以漢德天
子不忘爾流徙薄給金繒酬往時效順之義否則興師
以問彼方急時何所不靡則我弭一敵以蕪一隅計無
便於此而時方執犁庭之說毆之以合於建，即痿者
不忘起獨不念我積困耶

官軍擊，應州斬一百三十餘級

庚申總兵張應昌擊咸陽賊斬四百九十九級俘其軍師
劉某兵氣始振回涇陽李自成屯醴泉之石鼓趙村別部
屯淳化耀州接七里原

阜平人訛言，至知縣薛二樓驚遁山中

辛酉吏部題考選畫一之法有旨推官知縣考選原重官
評何得但拘進士其考法及教習事宜俱依擬

壬戌諭工部直省所解盔甲刀矢視崇禎五年式特頒考
力自四以上至七止違者駁責

癸亥故山東參政陽城張光奎贈光祿寺卿廕子入國子
監故張璽贈都指揮僉事子襲陞副千戶
劉自安贈守備仍卹其家致祭并旌其婦女
建「分犯東路至繁峙中路至八角西路至三全
賊陷隴州賊屯州城及汧隴間決月陳奇瑜次鳳翔令叅
將賀人龍等援隴州賊圍之

前太子太保工部尚書姚思仁削籍王永光奪官銜恩廕
鍾羽正白所知奪加銜追原賞丁茂遜王佐王舜鼎奪加
銜陳長祚蕭近高熊尚文吳用先吳仁度追賞嚴士節禔

秩路周道白受采免官并祭處致仕官韋國賢等六人追
賞陸之祺等見任降罰有差

乙丑河決歸仁隄

丙寅魏肯構降補工林苑典籍

少詹事文震孟請改先帝實錄工以冊立皇祖默
定張差實風癩然異變宜究紅丸輕進但意亦忠愛諭旨
即為定案不必議改

壽寧大長公主薨

丁卯官兵夜馳五十里曉渡涇河賊過我失亡百二十餘

人仍回東岬三橋畔

兵科給事中林正亨請樞臣視師不許

戊辰張愈昌戰涇陽敗績

御兵擊華州渭南賊欲奔雒南者斬百五十餘級

旌唐王聿錕助餉

瑞王常浩奏臣自就封次年即有流賊嗣後蔓延上年十

一月晉賊渡河掠湖廣分入漢中興平破洵陽偃興安守

道王在臺固守幸游擊唐通兵至總督洪承疇遠赴城賴

以全今撫臣練國事招兵商雖巡按范復粹馳赴漢中賊

四二

始奔蜀近境稍靖不謂鳳縣又破矣棧道並絕不數日川

賊復入秦州等處楚賊再上興安六月間自興安入西鄉

幸制臣後行委監軍道樊一蘄督兵控扼兵寡賊衆遂入

漢郡經行寇騎旬日不止游擊唐通所部三百人張疑設

伏賊不敢渡江而北今東有洋縣之賊北有鳳縣之賊西

有沔縣寧羌略陽之賊終不知作何狀也賊到處烏合簡

其精壯藉為前驅婦女老弱收為臧獲急則用之餌敵故

諸臣動稱斬馘報捷賊勢不減閩中惟漢中孤危去撫鎮

皆千餘里

御史梁雲構上五畫修國閔頒爰書重功賞撤名督逐流
倡章下兵部

已已建「攻大同五日退西安堡左翼營游擊榮繼雄拒
卻之

巡按山西御史馮明珮報崞縣知縣黎壯圖降

建「陷靈立縣入崞代崞縣知縣黎壯圖辦髮降之犯忻

州知州王凝命力守

井坪路副總兵李國樑拒「卻之

夜月食

四七

辛未吏部尚書李長庚因推李懋學削籍

逮繁峙知縣蘓弘化

諭曰國家明經取士期遇甚厚朕御之初撤還內鎮舉內

外大小悉以聽之不意諸臣營私卸過因恤民艱竟置膜

外甚有誣剝為陞官肥家計聞一二廉謹者又拘泥迂踈

慢視職掌或性乏通警屬下欺蒙即有一二不能不瞻徇

情私又因循推諉居恒但有虛聲有事均無實濟已已

之冬致逆胡直薄都下宗社震驚舉朝束手此士大夫負

國家也繇是不得已炤成祖例監槍之例分遣各鎮監

視添設兩部總理雖一時權宜亦欲諸臣自反數年來軍
馬經制粗立錢糧稍清而諸臣或亦有省於衷矣今將總
理監視等官酌量撤回以信朕之初心張彝憲俟漕糧將
竣回監供職李奇懋魏相康朝張國元盧維寧魏國徵王
之心鄧希詔俱回京另用張元亨崔良用仍俟寇平會同
撫按市馬王希忠除去查飭昭舊守備惟閔寧福近「巢
高起潛率原屬各官兼監兩鎮京營內臣提督莞理昭常
雲鎮被「登鎮縱奸俱候另議內而部司外而督撫鎮按
道將共體時艱各圖表見若復蹈往陋仍二自便不惟國

典具存抑諸臣之忠猷何在良足耻矣

起王威總兵領延綏寧夏兵亟援太原仍會閔連宣大特
角之

光祿寺言外解糯米不如格申飭有司其鎮江舊無額派
姑自八年始

建「犯保定竹帛口千總張修身敗沒

癸酉諭祭故

楊爾繩

甲戌召勳戚文武於平臺問誰堪冢宰總憲者命各給筆
札即條對吏部左侍郎張棖曰臣今日所舉與衆不同

上許之勳威在殿西室文臣在殿東室提持筆四顧大學士王應龍目屬之諸臣覺其異及下筆則前兵部尚書呂純如也時諸臣或舉鄭三俊勳威亦如之或舉唐世濟提曰總憲可世濟冢軍非呂純如不可俄入奏力言純如之長科道曰純如列逆案不可刑科給事中姜應甲言之尤力摸失色上問溫體仁對曰謝陞可上曰爾等其諦思之命收單而退應龍故善周延儒而純如又與延儒善者體仁陰主之

乙亥召南京吏部尚書謝陞都察院右都御史唐世濟

四九

賊陷同官縣

叙安邊功進沐天波太子太師總督朱燾元少師詹錦衣衛指揮僉事侯良柱左都督詹錦衣指揮使劉可訓仍巡撫加一級世錦衣衛指揮同知鄧玘左都督世外衛指揮同知盧世卿都督僉事世外衛正千戶王加貞都督同知楊正芳署都督同知俱世外衛副千戶范邦推實授都督僉事世外衛百戶陳謙如署都督同知牟文綬都督僉事方國安劉鎮藩各副總兵俱世外衛百戶故林兆鼎贈太子少保故李維新胡從義俱贈都督同知世外

衛千百戶餘文武陞賞有差

總督陳奇瑜專事招撫由城固入漢中降盜解散萬五百
二十八人斬渠魁四皆延安人也勒降人回籍行一百里
至寶雞等縣頗殺掠官兵捕斬三百餘級且調兵俱到故
盜復向蒲城以回延安是日解散九千三百五十人殺渠
魁一亦延安人又解散八千三百餘人

丙子盜張儒黃文鼎等陷桐城

刑科給事中吳甘來糾吏部左侍郎張捷報聞
洪承疇至富平詰朝至馬家村掩盜不備其鋒高傑甚銳

承疇還富平夜襲營殺二百餘人斬六十餘級偵大盜在

富平臨潼

南界

丁丑南京禮部尚書

請皇太子出閣講學命上

是之

胡公曾戎邊

高傑降於賀人龍人龍率以襲賊卻之

戊寅大賊自鞏昌圍靜寧州

己卯左良玉敗賊於鄆陵之張橋店

戶部請撤楚兵省餉留秦餉結秦局從之

夜建「出拒墻堡出塞

命總督薊遼傅宗龍駐昌平護陵并督運至懷來

庚辰參將李雲程馮良文等敗賊於彭祖店鄆陵賊折而

西南奔汝州尋入禹襄城臨穎與汝魯山寶雞續至之賊

相接

勞宣大吳襄援兵羊三十隻

御史張三謨糾吏部左侍郎張棟報聞

辛巳祖大壽以兵四千人西援命駐防薊鎮密雲

壬午以鹵簿大駕戒賜各臣金幣

賊自靜寧州犯莊浪縣

建「犯大同右衛

癸未保定巡撫丁魁楚進右副都御史

諭兵部曰直省各郡邑修防儲練不盡遵化如畿縣各城

半不堪兵多不整火器不全甚至保定文安土垣破門永

清東安香河通無鄉兵良鄉等粒米束草俱乏房山無火

器涿州不惟無糧草即城上懸簾亦損壞如此景象何裨

緩急其嚴飭急圖以贖前愆

是月有大星從狗國墜大同「營

閏朝申朔進陳伯亨都督同知

兵科給事中蔣德瑗言部屬改授科道則南京亦應量改
章下吏部

乙酉建、攻宣府萬全左衛守備常如松砲卻之

寇陷靈臺執知縣石懷玉
洪承疇遣兵擊延綏西、斬四百餘級西、遁
鑄督發援兵糧料協理易州餉務關防二給林弘祈畢拱

辰

巡撫四川右都御史劉漢儒免

丙戌中書舍人喬可聘劾戶科給事中呂黃鍾吏部左侍
郎張捷初黃鍾言冢臣閹繫甚重欲於侍郎擇用一人續
之蓋為捷地也

丁亥建、陷宣府萬全左衛宣府把總常承恩襲建、於
羊房堡南火攻之守備常如松指揮杜詩秦之英並死之
賊薄平涼延安

戊子叙西鎮卻、功進洪承疇一秩詹子入國子監

己丑暹羅入貢

榆林衛布衣高廷臣上兵機譜說稿三卷以犯廟諱放歸

庚寅工科給事中范淑泰劾大學士王應熊侍郎張捷同謀黨附大肆欺擄工責捷回奏

修永定廣寧左安三門

建一出塞蹂躪宣大隄五旬殺掠亡筭總兵吳襄尤世威分道援大同襄失利世威部將視寬以七百騎戰大同北門斬三十餘級又宣府總兵張全昌戰渾源州稍利或遺吳襄鳳冠袷服弓履以耻之

辛卯賊陷崇信

王弘業王先通爭襲新建伯下吏部勘議

癸巳王維章為右副都御史巡撫四川

刑科給事中吳甘來劾吏部左侍郎張捷薦呂純如翻逆案純如用而邵輔忠張樸輩更可用也

故副總兵李卑贈右都督

命鄧玘回鎮所部兵發薊鎮派防

賊陷白水縣知縣龐瑜先遁

甲午工御文華殿日講訖仍召閣臣曰出口宜招撫難民各將不過零級援兵可撤者撤之王應熊曰彼利子女金帛耳田禾未損援兵駐城西刈禾牧馬民甚苦之錢

士升亦以為言應能又曰山西崞縣止二十騎掠子女
千餘人過代州望城上親戚相向悲啼城上不發一矢任
其飽掠去之上為頓足應能曰崞縣被陷相載三百輛
去數日官兵至報恢復上曰各官俱有罪下兵部核奏
士升曰今城守李國樑守井坪第一何吾騶曰李秉春劉
先祚等皆能守士升曰實可擊失此機會吾騶曰常盡
各省錢糧解來圖恢復士升曰吾騶所言是廣東事若江
南罄帑並無存留且漕糧加派江南獨溢民力已竭不堪
再困上又傳兵部設法市馬

乙未戶部言官買銅鉛必給商引引滿百斤銅引稅一兩
四錢鉛引八錢湖廣千五百引臣部遣官山西陝西各千
引下布政司四川千引下分巡川南道北畿五百引下井
陘道從之

刑部尚書胡應台終養

召故總兵王威

建「出宣府塞議撤援兵

丙申盜陷涇州殺知州翼秀

江西河南雲南大旱

陽曲王府妾崔氏言其第三子慎鈿當襲而葛氏將所生四子慎鏐越稱次子謀襲章下禮部

司禮太監盧維寧還自朝鮮

丁酉 道御史任贊化降河南布政司 昭磨

許陝西巡撫練國事暫停積穀一年

戊戌兵部申飭武場事宜雜塗宜議技勇宜併貼式宜清中式宜定邊腹宜分從之

己亥工科給事中范淑泰論大學士王應熊侍郎張捷同謀王維章不載西軍被劾處分之旨 工責捷回奏

五

巡按陝西御史傅永淳報流賊自華渭敗後至寶雞以南直抵漢上七八百里皆賊盤据路梗八月始通據寶雞鳳

縣蓋分三道其二據漢中延廊其一華渭商雒

復大同井平路

副總兵李國樞仍進署都督僉事

蘇元相下獄

庚子故甘泉知縣蒲來舉贈光祿寺少卿廕子入國子監壬寅陳奇瑜至鳳縣見賊賊北接慶陽西至鞏昌西北至邠州長安武西南則盤屋寶雞衆殆二十萬始悔其見

愚分兵出禦而兵寡矣初賢雖知縣李嘉彥城守奇瑜勞
之千金已見連破七州縣并劾寶雞知縣

癸卯諭吏部天下提學官近來進取冒濫請託公行苞苴
巧納皆由學臣推舉非人考覈不嚴之故也今學臣員闕
務擇品行貞方學術純正如聽人營囑試用不效該部院
及保舉一體追論又舉人聽巡按御史考察議未及行
丁未吏部稽勲司主事董羽文下獄

夜木星犯奎宿積屍氣督修歷法山東右叅政李天經進
列星圖云木星之行甚遲旬日有奇始行一度

戊申錄囚命戶部尚書侯恂主讞

辛亥少詹事姜曰廣為詹事仍筦清黃 中允蔣德璟為

右庶子署司經局

故寧夏總兵官賀虎臣贈都督僉事予祭葬廕外衛指揮
僉事

史開先贈署都督同知張問政江坤俱贈都督僉事並陣
沒

鄧茂官實授都督僉事仍加都督同知

壬子總督宣大張宗衡巡撫宣府焦源清巡撫大同胡沾

恩巡撫山西戴君恩俱免仍議罪

故 孟時芳贈太子太保詹子八國子監

九明寅朔陳秉衡署都督同知仍支勳衛俸

諭兵部后庸薊鎮練勁兵二萬

南京吏部尚書謝陞為吏部尚書南京都察院右都御史

唐世濟為都察院左都御史

唐王聿鏡上言通祿搞及南陽知府陳振豪章下吏部

丙辰巡撫陝西御史傅永淳報流寇出棧道攻陷麟游永

壽此即陳奇瑜棧道中所撫之賊也七月圍寶雞賊鳳翔

本

其招撫官三十六人盡為鳳翔守城士民誘殺之

官兵至渭南臨潼間賊迎戰怯十餘里我追之賊恃眾拒

戰洪承疇身督陣吏卒力鬪大敗之斬七十級

予故刑部尚書吳中偉祭葬

河南盜奔內鄉鎮平壬戌至花園關

丁巳應天地震

戊午大盜又入平涼之畢 園分攻鎮原華亭沂陽

己未密縣知縣苗之庭敗賊於城一下

庚申王恭廠火藥災傷斃千餘人

賊二十餘營西至函谷關東至河陽連屯百餘里官兵斬
三百六十八級賊萬餘連營於雒南關鄉

壬戌夜宣府鎮河堡草場火

癸亥賊破扶風殺知縣王國訓

予故

王雅量

袁可立祭葬

甲子

蔣德璟

張四知王武闡彰武伯楊崇

猷監武試

進許自強都督僉事改勅久任

乙丑日講官少詹事文震孟請告不允震孟講春秋稱旨

溫體仁語之曰行相君矣何避也

賑淮安徐州和州

丙寅故

翟鳳翀贈兵部尚書廕子入國子監

戊辰萊陽王

與候選知縣蘓輔宸爭產王毆其族人

蘓輔世諸生蘓濟世等因大譁萊陽王同諸王入察院訴
提學僉事胡澣毀冠仆地從人因擊諸生澣諭諸生各散
事聞

庚午吳姓為右僉都御史提督鳳門等關巡撫山西楊嗣
昌為兵部右侍郎兼右僉都御史總督宣大軍務兼理糧

餉馮英為刑部尚書章大章改南京禮部尚書
禮部尚書曾楚卿罷戶科給事中姚思孝論其天啓時要
典副總裁也

辛未予故

楊子階祭壘

壬申叅將賀人龍受圍於龍州游擊王失明失利
傳宗臯為南京鴻臚寺卿
諭兵部腹馬俵解祖制難以盡更仍舊本折蕪收苑馬虧
額前茶臣冊報七監馬匹強羊虛數今欲清補牧地牧軍
盡釐牧政各官蠹弊詳酌責成豈得空言設法併宣大市

馬作何易買確議具奏

癸酉倪寵為都督同知總兵官鎮守登萊防海

司禮太監張從仁改內官監提督九門

禮部言朝鮮貢役其貿易一節命議之

楚府蒙陽王宗室朱盛瀛工法利弊十二事章下禮部

召刑部尚書刑科於武英殿

官兵擊維南賊斬二百二十九級

甲戌大寇圍蒙陽汜水及於密縣河南推官湯開遠同左
良玉自邳援密寇走登封尋入白沙新莊又折而西維山

之賊犯真陽息縣光禹商城固始巡撫河南右都御史
陳必謙上言防剿之局全楚主客兵萬八千人防陵三千
人豫撫之新兵毛兵石砭兵千六百人專備節又分鎮箠
兵四千四百人備光化棗陽緩急而德安屬之隨應孝感
則參將馮時早等千五百人戍之黃州屬馬鎮臣秦翼明
領兵二千麻城黃陂蘄州戍以都司周子元等鎮箠兵辰
兵三千人總兵秦翼明領川兵二千鎮箠兵千餘近又調
周繼光防豐陽卅兵二千餘聽約束扼棗隨之間臣上督
副將楊世恩雷時聲鎮箠貴州兵三千人巡扼德黃之間

總之魁犯豫則楚兵宜赴豫真保游擊陳植之兵赴陳截
其西還而固商之魁欲工金剛臺金剛臺商城境內徑道
六百餘里直通淮楚故遣陳永福自穎趨固始遏其流突
霍鳳之路李重鎮兵為犄角此東南西道路防剿之局也
其自嵩鞏以趨郊禹致密縣者是後西北大魁今由登封
入嵩擾澗池檄左良玉趙柱等赴剿此西路截剿之局也
時河南盜知信陽有備自光山羅山犯黃安麻城自麻城
趨羅田犯蘄水大營盡入黃州廣濟黃梅告急
鳳翔延翔賊俱入漢南援商之兵去漢南二千餘里徵兵

未到南維賊乘虛入犯總督陳奇瑜鑄三級自効
兵部議大剿河南兵入潼華湖廣兵入商維四川兵入漢
中興平山西兵入韓城蒲州
乙亥葛寅亮為左通政
諭兵部覈苑馬實數

丙子予故

僉事郭應響祭葬

丁丑盜掠略陽縣時盜分部一由鳳縣舊棧道還攻漢中
一出略陽由陽平關入梓潼劍州犯蜀一由寧羗犯廣元
張瑋為南京尚寶司卿馮任為右副都御史巡撫大同

戊寅初安邊歸霑益安其祿歸烏撒奉旨各安其土及安
位以內戚右安邊擁兵入滇意在佐閩雲南總兵沐天波
以大義責之旋退命雲貴四川分任其責

寧前兵備道右叅議陳新甲為右僉都御史巡撫宣府
己卯賜武進士傳臚御殿

楊士聰曰甲戌辛未武場重技勇甲戌二場大風步箭
中少監者疏請但一箭准試是所重又不在技勇也兩
科之中立法參差一至於此至原卷進呈徃、取九箭
第為狀元假 上親至武場見所為馬箭未有不嗤其

見戲也甚乃携之文試使人控馬而馳相去尺許掉矢
於上此必敵人相遇昏土木偶而後可也將馬用之
辛巳總督洪承疇自平涼遣副總兵左光先等率兵間出
華亭明日抵隴州賀人龍圍始解

癸未故登萊總兵官左都督張可大贈太子太保立祠廕
外衛百戶故 張其功贈都督同知廕都指揮僉事

一輩故 嚴正中贈都督同知世襲總旗故 何

維亮王之傳贈副總兵故 熊奮渭一贈參將故

余承胤贈都指揮僉書廕外所千戶餘陞卹有差陣亡兵

九百七十二人各給其家十金

挿漢虎墩兔懸往威寧海子駐牧

是月巡撫山海關永平右僉都御史楊嗣昌奏今閏八月
二十三日 至九月十九日 土火金三星聚尾分在永平遼
海之間其占主内外有兵驚

